**kerrasem: (kerr`asem)**

kerrasem a kelekolt; mekerasem,
ng mekelekolt me ng klou a
kerrasem; diak le kesib; kersemel.

kerredakl: (kerred`akl)

kerredakl a ta er a bedengel a
chelitakl, mengerdakl, kerredeklel.

kerreel: (kerr`eel)

kerreel a suld el mla mekereel;
kerrelel.

kerrekar: (kerrek`ar)

kerrekar a meklou el dellomel,
iedel a kerrekar; ukall me a dort a
kerrekar, kerrekerul.

kerreker: (kerr`eker)

kerreker a omengereker; usaso;
skel a udoud, semum a kerreker
er a Belau, korekerengii, koreker,
kerrekerengel.

kerrekerengel: (kerrekereng`el)

kerrekerengel a ngii a kirreker; ng
siliik, kerrekerengel el udoud me
a chutem.

kerrekeriil: (kerreker`iil)

kerrekeriil a biich er a klemerang,
oukerrekeriil el omiich a tekoi, kerilel.

kerrekerul: (kerreker`ul)

kerrekerul a kerrekar er ngii el blai;
kerekerul a di meradel me a iedel.

kerrekrel: (kerrekr`el)

kerrekrel a kerrokr er ngii.

kerremelel: (kerremel`el)

kerremelel a kerreomel er ngii;
kerremelel a dioll e dirrek el
kelel a mur.

kerreomel: (kerre`omel)

kerreomel a ulechar el osiik a kelel
a dioll er a ketengel; dirrek el osiik
a kall er a mur, kerremelel.

kerreos: (kerre`os)

kerreos a mekreos; diak le mimokl,
chebirukel el chad a mekreos a
rengul, kireos a chutem me a mesei,
kerresel.

kerresel: (kerres`el)

kerresel a kerreos er ngii er a diak
di le klolekllel ngii el tang; mekreos.

kerretall: (kerret`all)

kerretall a mla mekertall; katuu a
mla kortellii a medal, kortall;
mengsemramr, kosemramr,
kertellel.

kerrikr: (kerr`ikr)

kerrikr a klekedall er a mlai er a
daob; redil kerrikr me a sechal
kerrikr.

kerrriel: (kerriri`el)

kerrriel a kerrior er ngii; mekerior.

kerriu: (kerr`iu)

kerriu a kliok; selechosech el ngar
er ngii a belsibs er ngii, bobai a
kerriu er a beab.

kerroker: (k`erroker)

kerroker a mla mekeroker; mla
mengai el rokui; bachachau,
korekerii a olekang, koroker, kerekerel.

kerrokr: (kerr`okr)

kerrokr a kerrekrel; se el okrokr er
ngii, diak le meliliut; kerrokr er a
mamed.

kerrui: (kerr`ui)

kerrui a mengerrui; melekoi;
kerrui a ngerel a belochel.

kerruk: (kerr`uk) (1)

kerruk a ta er a ngklel a malk.

kerruk: (kerr`uk) (2)

kerruk a ngerel telengtengil a
ngloik; oked er a ngloik a oukerruk

kerruul: (kerr`uul)

kerruul a betok a udoud; ungil a
rolel a omengereker me ng betok a
udoud; a ungil a kerruul er ngii el
beluu a kekerei a chelebuul er ngii.

kersall: (kers`all)

kersall a krukl; kirel el mekurs;
kursii a mlai, otemetii, kmurs a
kerrekar.

kersel: (kers`el) (1)

kersel a kirs er ngii.

kersel: (kers`el) (2)

kersel a omengurs er ngii; mengurs.

kersemel: (kersem`el)

kersemel a kerrasem er ngii;
mekerasem.





kersengel

kersengel: (kerseng`el)

kersengel a keris er ngii.

kersiang: (kersi`ang)

kersiang a diak le berikd; kesai a rdechel, kersiang el buuch.

kersos: (kers`os)

kersos a soal; semeriar, kersos a rengul er a ngelekel me a bechil.

kertaku: (kert`aku)

kertaku a ta er a bedengel a kerrekar.

kertall: (kert`all)

kertall a rekdel a buld; telebtabd e kerasus; kertall a bedengel, kertellel.

kertel: (kert`el) (1)

kertel a kurt er a reng; mekurt a rengul, kertel a rengul er a ngelekel; omid.

kertel; (kert`el) (2)

kertel a omengort er ngii; kortii a rael; merael a kertel a rael.

kertellel: (kertell`el)

kertellel a kertall er ngii.

kerul: (ker`ul) (1)

kerul a kar er ngii el secher.

kerul: (ker`ul) (2)

kerul a kerrekerul; ulechel, kerul a ngar a belngel a llel.

kerumes: (ker`umes) (1)

kerumes a ta er a bedengel a kerrekar.

kerumes: (ker`umes) (2)

kerumes a kesumes; di du el merumes; rumesii, ruumes a kukau, remesel.

keruoru: (keru`oru)

keruoru a didu el meruoru; riueruui a smecher, riuoru, riueruul.

kerur: (ker`ur)

kerur a di du el merur; te kerur er a le kot el kebetech, rrengel.

kerurt: (ker`urt)

kerurt a betok el remurt, rurtii, klaikerurt.

kerus: (ker`us) (1)

kerus a didu el merus; rusur er a oles; nurs a kerus er a resmecher er a orus; rsul.

kerus: (ker`us) (2)

kerus a eru el klalo el ultang tiakid "+."

kerusech: (ker`usech)

kerusech a didu el merusech; remechas a kerusech a kukau, rusechii, remusech, rsechel.

kerusus: (kerus`us)

kerusus a dellomel el meknngit a dbechel; kerusus el diokang, dait.

kerutech: (ker`utech)

kerutech a di du el merutech; rutechii, rengalek a kaiuetoir el kerutech, remutech, rtechel.

keruul: (ker`uul)

keruul a didu el meruul; karuruul.

kesab: (kes`ab) (1)

kesab a di du el mesab; sobngii, suab, ngikel a kesab a uaol, sebngel a uaol.

kesab: (kes`ab) (2)

kesab a kakerous el mesab a klab; melai a kukau; suab a kukau, sebngel.

kesadel: (kes`adel)

kesadel a rakd er a omechoel er a chiuuis; kesadel a bkul a chimal; kesedelel.

kesai: (kes`ai)

kesai a sesei; mekesai; diak le betok, kesai el udoud.

kesais: (kes`ais)

kesais a didu el melais; osiik a kud er a bedul, soisii, smais, sisel.

kesako: (kes`ako)

kesako a charm el ua rekung.

kesalo: (kes`alo)


kesalo a di du el mesalo; smalo a mesei, solouii a bluu, seleuel a bluu.

kesam: (kes`am)

kesam a didu el mesam; mesachel a chimal; somur, suam a chimal er a ngalek, rengalek a kesam a chimorir el leko te mengelebed, semul a chim.



- kesamborrau:** (*kesamborr`au*)
kesamborrau betok el chad el di ketokl; ouedikel e diak el rruul a urreor; te el di kesamborrau e diak a kall.
- kesamd:** (*kes`amd*)
kesamd a kesemdel a ngikel.
- kesamk:** (*kes`amk*)
kesamk a didu el mesamk; melai a samk; somkii, suamk a lius, semkel a lius.
- kesaod:** (*kes`aod*)
kesaod a kebii; kacheroid; chacheroid; te mlo kesaod, ng diak el dak el kiei.
- kesarech:** (*kes`arech*) (1)
kesarech a meleboteb el omes; di du el mesarech; sorechii, smarech a beluu, kesarech a beluu, serechel.
- kesarech;** (*kes`arech*) (2)
kesarech a kerderd; di du el merderd; sorechii a bad, smarech a ngduul; roderdii, roderd a besbas; rderdel.
- kesasech:** (*kes`asech*)
kesasech a di du el melasech; menglou, sosechii a bail, smasech a oacher el mo meklou, seschel.
- kesauch:** (*kes`auch*)
kesauch a didu el mesauch; souchii a buuch, smauch, melai er a chetebtel; suchel.
- kesaur:** (*kes`aur*)
kesaur a kelech; didu el mesaur; sourii, smaur a billum, kesaur er a cheldechoduch.
- kesbengang:** (*kesbeng`ang*)
kesbengang a mla mo kesib.
- kesbongel:** (*kesb`ongel*)
kesbongel a di telkib eng kesib; mereched el mo kesib; blechoel el kesib.
- kesebech:** (*kes`ebech*)
kesebech a di du el mesebech; mengesai, sobechii el ngar a ungil el telkael, suebech a mo betok el telekuau el kall.
- kesebek:** (*kes`ebek*)
kesebek a kedolk; di du el mesebek; sobekii; olab a chocherir el kedolk, suebek a tebel.
- kesebeklel:** (*kesebekl`el*)
kesebeklel a kosebaki er ngii; ngerel, kesebeklel a uach er a ulaol.
- Kesebekuu:** (*kesebek`uu*) (1)
kesebekuu a toachel er a Oreor.
- kesebekuu:** (*kesebek`uu*) (2)
kesebekuu a ta er a bedengel a besebes el melemiaki a kerrekar.
- kesebekuu:** (*kesebek`uu*) (3)
kesebekuu a charm el ko er a kitelel e ng di ngar er a daob.
- kesebibui:** (*kesebib`ui*)
kesebibui a besebes el ko er a kebui e ng di diak el chemachel; besebes er a oreomel.
- kesebii:** (*keseb`ii*)
kesebii a ta er a bedengel a ngikel.
- kesebingel:** (*keseb`ingel*)
kesebingel a meses el ourreor e di telkib e mo mesaul; mekudem el olengull; mereched el tmurk a rengul.
- keseches:** (*kes`eches*)
keseches a kesechosech; didu el meleches; melechosech, malk a keseches a kelel; sichesii, smeches.
- kesechosech:** (*kesech`osech*)
kesechosech a di du el melechosech; suchesechii a ongraol, suchosech a kall.
- kesedelel:** (*k`esdelel*)
kesedelel a omengesadel er ngii; remuul el mo ngesonges er a kirel; mengesadel a udoud; kosadel.
- kesedem:** (*kes`edem*)
kesedem a kaokedong; di du el mesedem; kaiuengit er a mo dmak; mo obengkel; mo kldemel, sodemii, suedem a cherraki, sedemel a klsau er a soal el dil.
- kesekang:** (*kesek`ang*)
kesekang a mengesekang; melekoii a mera el tekoi e loaia cherechel el dechelel e besichel a cheldechodechal.



kesekes

kesekes: (*kesek`es*)

kesekes a chelitakl el mengesekes;
omechiuau er a ngalek,
kosekesengii, kesekesengel.

kesekesall: (*kesekes`all*)

kesekesall a kirel mekesokes;
mengesokes, kesekesall a meas,
kosekesii a kereker e ngomedii a
ngikel; kosokes, kesekesel.

kesekesel: (*kesekes`el*)

kesekesel a omengesokes er
ngii el kereker.

kesekesengall: (*kesekeseng`all*)

kesekesengall a kirel el mekesekes;
kosekesengii a ngalek,
kesekesengel.

kesekesengel: (*kesekeseng`el*)

kesekesengel a kesekes er ngii;
kesekesengel a omengesekes
er ngii el ngalek.

kesekosek: (*kesek`osek*)

kesekosek a didu el melekosek;
melebes, sokosek a cheremrum,
sokesekeii a babii, sekeseke.

kesemdall: (*kesemd`all*)

kesemdall a kirel el meloched e
melai er a kesemdel.

kesemdel: (*kesemd`el*)

kesemdel a kesamd er ngii;
kesemdel a ngikel.

kesemdel: (*kesemd`el*)

kesemdel a kesamd er a ngikel.

kesemesemek: (*kesemes`emek*)

kesemesemek a dedekimes;
idekedokel, klsesechebuul,
keremechut, kesemesemek el malk.

kesengam: (*keseng`am*)

kesengam a melemalt el chui; diak
le kerisebsub.

kesengel: (*keseng`el*)

kesengel a kes er ngii; kmes,
ulekerreuil, kesengel a chebechiil,
kesengel a klauchad a beltik el reng.

kesengil: (*keseng`il*)

kesengil a klsai er ngii; kot er eou
el ildois; ng soak a udoud el
kesengil e ng \$1,000.00.

kesengliil: (*kesengl`iil*)

kesengliil a ngul; smecher el
blechoel el mesel; ngmasech a
ngliil.

kesengolem: (*keseng`olem*)

kesengolem a ta er a bedengel a
kerrekar.

kesengurd: (*keseng`urd*)

kesengurd a ko er a di chiuessel me
a budel; ko er a diak a techel a
bedengel; kmal mesengaked;
kesengerdel.

kesers: (*kes`ers*)

kesers a ketenget; didu el merers;
melenget, sorsii a blil; smers a
mekesokes; sersel.

kesiamel: (*kesi`amel*)

kesiamel a ta er a bedengel a
kerrekar.

kesib: (*kes`ib*) (1)

kesib a mengeald a bedengel e
olechars a klsbengel; kesbongel.

kesib: (*kes`ib*) (2)

kesib a kesib a rengul; klsib el
reng; olengasech a rengul.

kesiik: (*kes`iik*)

kesiik a kasisiik; didu el osiik;
kesiik a udoud el mo er a
mechesang.

kesiil: (*kes`iil*) (1)

kesiil a kerrekar er a chelebacheb
me a tkul a daob.

kesiil: (*kes`iil*) (2)

kesiil a kirel el mekes; menges a
lius, kesiil a kles er a klechedaol,
kosir, kmes a kles, kesil.

kesilek: (*kes`ilek*)

kesilek a didu el mesilek; silekii,
smilek a bail, selekel.

kesiokel: (*kesi`okel*)

kesiokel a meringel el mesiik;
kesai el klalo a kesiokel; toluk a
kesiokel, udoud er a Belau a kesiokel.

kesiou: (*kesi`ou*)

kesiou a kakedmokl; didu el
mesiou; mendedmokl, robekel a
kesiou, siungii, siungel.



- kesius:** (*kesi`us*)
kesius a didu el melius; melekoi a tekoi er a oreomel; siuesii, kesius el kaiuediu a rederrir.
- keskas:** (*kesk`as*)
keskas a ta er a bedengel a ngikel.
- keskelel:** (*keskel`el*)
keskelel a ngera er ngii; ng keskelel a babii a odimek? ng keskelel a sers a ngemull?
- keskus:** (*kesk`us*) (1)
keskus a ta er a bedengel a emull el ungil a bul.
- keskus:** (*kesk`us*) (2)
keskus a chelas el kall el ngar er a btil olekang; keskus er a beras, aki menga er a keskus.
- kesmedai:** (*kesmed`ai*)
kesmedai a bechachau a til; kesai a ududel; medai el chad.
- kesmeduu:** (*kesmed`uu*)
kesmeduu a ta er a bedengel a kerrekar.
- kesodel:** (*kes`odel*)
kesodel a kesekosek; di du el mesodel; sodelii, kesodel er a babii, sokesekii, sedeled a babii.
- kesokes:** (*kes`okes*)
kesokes a ta er a bedengel a omenged; mengesokes, kosekesii a kereker, kosokes a ngikel, kesekesel.
- kesol:** (*kes`ol*)
kesol a dellomel el tuobed a reng er ngii, kesol er a ngebard.
- kesuar:** (*kesu`ar*)
kesuar a charm el kmeed er a rekung me a kesako; ungil el odoim.
- kesuariroi:** (*kesu`ariroi*)
kesuariroi a ta er a bedengel a cheled.
- kesubed:** (*kes`ubed*)
kesubed a di du el mesubed; kauchais; kasbesubed, subedii, suubed, kasbesubed er a omengades.
- kesubs:** (*kes`ubs*)
kesubs a kediiim; di du el melubs; melekimes, subsii, suubs a dellomel, sebsel a dellomel.
- kesuch:** (*kes`uch*) (1)
kesuch a kebus; didu el mesuch; mesngii, omerober, kesuch a tet, suchar.
- kesuch:** (*kes`uch*) (2)
kesuch a kebed; di du el mesuch; omed a klalo er a stoang, suchar a beras, sechal a decool.
- kesuched:** (*kes`uched*)
kesuched a di du el mesuched; katekoi a mekngit, tomall a bedengel, mdechur, suchedii, sechedel a bedengel.
- kesuk:** (*kes`uk*) (1)
kesuk a ta er a bedengel a bedengel a kerrekar el kakerous a bedengel.
- kesuk:** (*kes`uk*) (2)
kesuk a di du el mesuk; sukur a odoim, smuk a kukau, melecha er a chelsel; skul a kall.
- kesuld:** (*kes`uld*)
kesuld a di du el mesuld; suldii a medal, meruul el mo medirt; seldel a chimorir; omekdirt.
- kesumech:** (*kes`umech*) (1)
kesumech a kebad a bedengir; di du el mesumech; omad a meringel; sumechii, suumech a bedengel, smechel a uldechuul.
- kesumech:** (*kes`umech*) (2)
kesumech a di du el mesumech a tekoi; kaodurokl a klmechir, suumech a tekingel, smechel.
- kesumes:** (*kes`umes*)
kesumes a kerumes.
- kesumk:** (*kes`umk*)
kesumk a di du el mesumk; omusech a chui; sumkii a sechelil, suumk a chiul, kakoad el kesumkchui.
- kesurech:** (*kes`urech*)
kesurech a didu el mesurech; surechii, smurech a ochil a mlechell, serechel a uach.



kesus

kesus: (*kes`us*)

kesus a klebesei er a uchei er
chelechang me a chelechang el klebesei.

kesuub: (*kes`uub*)

kesuub a didu el mesuub; suub a
ngloik, suebii a chelitakl.

kesuud: (*kes`uud*)

kesuud a kesodel; didu el mesuud;
mesodel; smuud a chemelir el
kebui, soudii a kebui, sudel.

ketaiu: (*ket`aiu*)

ketaiu a didu el melaiu; toiuii a
medal, tmaiu a bedengel, tiuel a soal.

ketamk: (*ket`amk*)

ketamk a didu el melamk; tuamk
a chesemel, tomkii a bdelul,
temkel a chusem.

ketat: (*ket`at*) (1)

ketat a charm el menga lius; ungil
el odoim.

ketat: (*ket`at*) (2)

ketat a kesodel; di du el melat;
totengii a bilel, tmat a babier,
mesodel, tetengel a bail.

ketau: (*ket`au*)

ketau a di du el melau; tour a lild,
tmau a such, teul a bakelungal.

ketaut: (*ket`aut*)

ketaut a didu el ultaut; omuchel
e melelem el ourreor, ketaut er
a cheldechoduch.

ketebibiel: (*ketebibi`el*)

ketebibiel a ketebiob er ngii.

ketebiob: (*ketebi`ob*)

ketebiob a diak me a lechub e ng
sesai a chiul; ketebibiel.

ketecholb: (*ketech`olb*)

ketecholb a di du el melecholb;
melechong, tochelbii a ngalek.

ketechotech: (*ketech`otech*)

ketechotech a di du el melechotech;
omeu; tuchetechii a chemang,
tuchotech, techetechel.

ketekeakl: (*keteke`akl*)

ketekeakl a mkerokl e kolekel;
keberruul; ketekeakl el imiu me
ng dimlak de dengchii.

keteketall: (*keteket`all*)

keteketall a kirel a omengeteket;
koteketii, omekioud, koteket a
mlai, mengeteket, keteketel.

keteketaremk: (*keteketarem`alk*)

keteketaremk a ta er a bedengel
a emull.

keteketek: (*ketek`etek*)

keteketek a kakerous el meleketek;
mengisois el mo er a bab; toketek a
kall, toketekii a blai, teketekel.

keteketil: (*ketketil*)

ketketil a omengetkat er ngii;
mengetkat.

ketemall: (*ketem`all*)

ketemall a di du el melemall;
tomellii, tomall, recheldebechel a
ketemall er a ultelub me a ngellakel.

ketemotem: (*ketem`otem*)

ketemotem a di du el melelotem;
melobech, omukel a kerrekar;
tometemii, totem, ketemotem a
oliochel er a chutem, temetemel.

ketengel: (*keteng`el*)

ketengel a kot er ngii, ngalek er a
kot el cheroll; kot el ngalek.

ketenget: (*keteng`et*)

ketenget a di du el melenget;
merers; tonget a mekesokes; smers,
tongetengii a rael, tengetengel.

ketenguit: (*keteng`uit*)

ketenguit a ta er a bedengel a
kerrekar.

keteot: (*kete`ot*)

keteot a di du el meleot; toetii a
blai, mechesang el keteot a
kerrekar, teteel a kerrekar.


keterakl: (*keter`akl*)

keterakl a didu el merrakl; omoket,
remuul el mo daik el cheldull;
torekllii a mechut el blai, torakl a
kall, tereklel a uldurokl.

ketereklii: (*keterekl`ii*)

ketereklii a di du el meterakl;
obriid, merael el mo kairirei; mo
ketereklii e a urreor a mekerang?
tereklel.



**keterkokl: (keterk`okl)**

keterkokl a dimlak er a uldasu el tekoi e duubech; keterkokl el kodall; bkaischemrungel el omerael.

keterob: (keter`ob)

keterob a didu el merrob; torob a omerael; torebengii a urreor; mosech a urreor, terbengel.

ketiaol: (keti`aol)

ketiaol a chetirir a rechad; ngar er a kemikr, kirel a ketui; diak el ungil el omeruul a ketiaol; mesaik el sechal a ketiaol.

ketib: (ket`ib)

ketib a kaudasu; di du el melib; tuib a tekingir, tibir a urreor, tbil a llach.

ketiit: (ket`iit)

ketiit a soal el mengetiit; oker el mo medengei, kititii, kitiit, kititel a klemelang.

ketik: (ket`ik)

ketik a didu el melik; chad er a klekool a mesisiich el melik, tikir, tmik a uchul a dingal, tkil a mad.

ketiket: (ket`iket)

ketiket a ta er a bedengel a ngikel.

ketilech: (ket`ilech)

ketilech a kabedechakl; di du el omedechakl; melilech, tmilech a dubech, tilechii a ochil; telechel.

ketitall: (ketit`all)

ketitall a kirel el meketiit; meakl a techel er a budel; mengetiit, kitiit a miich, kititel.

ketitech: (ket`itech)

ketitech a kaiuetitech; kaseked; kiei er a kosekodel, rechad a ketitech er a blai.

ketiterachel: (ketiter`achel)

ketiterachel a meaiu e ngebudel; rael a ketiterachel.

ketkaki: (ketk`aki)

ketkaki a didu el melkaki; tukeklii a blai, tukaki, ketkaki er a urreor me a chelebuul; kaingeseu; tkeklel.

ketked: (ketk`ed)

ketked a osebeseb; medirt, ketked el kerrekar a ungil el idungel.

ketkedliliik: (ketkedlil`iik)

ketkedliliik a chad el bechachau ngii me a blil; medai el chad me ng diak tiei me tiei er ngii.

ketmotm: (ketm`otm)

ketmotm a didu el melmotm; timetmii, timotm, ketmotm a titimel, timetmel.

ketom: (ket`om)

ketom a kltom; diak el kedorem; kotemengii a oles, kotom a kamang, ketemengel.

ketooch: (ket`ooch)

ketooch a didu el melooch; tmochii a ngalek, tmooch a babii; tochel a ngalek.

ketord: (ket`ord)

ketord a didu el metord; tordii a bechil; katertord; telemall a delongelir, teredel.

ketub: (ket`ub)

ketub a kadesbai; didu el melub; melsbai, tubar a tuangel, dusbai a dellomel a meknjit e kikiongel.

ketubech: (ket`ubech)

ketubech a didu el melubech; tubechii, tuubech, tbechel.

ketuchel: (ket`uchel)

ketuchel a di du el meluchel; tuchelii a til, tmuchel a telechull, techelel a klalo.

ketui: (ket`ui)

ketui a ouketui; chetil el chad, ketiaol, ketui er a chebechiil.

ketuich: (ket`uich)

ketuich a didu el meluich; omekllomes, tuiechii a rael, tmuich a ngikel, tichel a ngikel.

ketungd: (ket`ungd) (1)

ketungd a kerumes, di du el melungd; tungdii a chimal, tmungd a bduu, tengdel.

Ketungd: (ket`ungd) (2)

Ketungd a ked er a Ngerkebesang.





ketungl

ketungl: (*ket`ungl*)

ketungl a di du el melungl;
turengur a medal, tmungl a chimal,
tenglel a soal.

ketut: (*ket`ut*)

ketut a di du el tmut; retolochoi a
ketut a tut, tutur a tul, tetul a tut.

keu: (*k`eu*)

keu a charm el mengang a llel a
dekool; melaitul me a kuk bebil
er a charm a keu; melai a keu er a
dekool.

keuert: (*keu`ert*)

keuert a ta er a bedengel a
kerrekar.

keuet: (*keu`et*)

keuet a di du el omet; metir, met a
tul a kereboub; omeseos; meseos.

keuetech: (*keu`etech*) (1)

keuetech a di du el ometech;
metechii a blai, metech a mlai,
otechel.

keuetech: (*keu`etech*) (2)

keuetech a di du el ometech;
metech a miich, metechii e ngmai
a techel; otechel a miich.

keuii: (*keu`ii*)

keuii a chebirukel el ouach.

ki: (*k`i*)

ki a kemam; ki merolong, ki
meremang

kibekball: (*kibekb`all*)

kibekball a kirel el mekboub;
melecha kbekbel; mengboub;
kibekbel.

kibekbel: (*kibekb`el*)

kibekbel a omengboub er ngii;
mengkobk.

kibekbii: (*kibekb`ii*)

kibekbii a mengboub, mengkobk
er ngii; locha kboub.

kibeteklel: (*kibetekl`el*)

kibeteklel a ngii a kibetiekl.

kibetiekl: (*kibeti`ekl*)

kibetiekl a mengereuau er a
dimlak lodengeli; kmurs a
bedengel, olekibetiekl, kibeteklel.

kibokb: (*kib`okb*)

kibokb a mengkobk; locha kboub.

kid: (*k`id*)

kid a rechad el uldak er a melekoi,
kid el rokui, kid kede mekerang?

kidbengall: (*kidbeng`all*)

kidbengall a kirel el mekedib
kidbengii a bdou; mengedib er ngii.

kidbengel: (*kidbeng`el*)

kidbengel a omengedib er ngii;
mengedib; omekerall.

kidbengii: (*kidbeng`ii*)

kidbengii a mekerellii; mengedib
er ngii; melibek; dibekii, mla
kidbengii a bdou.

kideball: (*kideb`all*)

kideball a kirel el mekideb; mo
cheldull, mo kldibel, beluu a
kideball er a bai, kidebel.

kidebel: (*kideb`el*)

kidebel a omengideb er ngii; mo
cheldull; kldibel.

kidebii: (*kideb`ii*)

kidebii a mengideb; mengudel,
merreder a mla kidebii a beluu e
mengedecheduch.

kidel: (*k`idel*) (1)

kidel a ta er a bedengel a kerrekar
el kall a rdechel.

kidel: (*k`idel*) (2)

kidel a ta er a bedengel a ksull,
cheled el ungil el odoim.

kiderall: (*kider`all*)

kiderall a kdiil; kirel el mekider;
mengider, kiderii.

kiderel: (*kider`el*)

kiderel a omengider er ngii;
kiderii; mengider el mo er a bab.

kiderii: (*kider`ii*)

kiderii a mengider er ngii; nguu el
mo er a bab; kiderel.


kidetall: (*kidet`all*)

kidetall a kirel el mekidet; debokl;
medebes.

kidetel: (*kidet`el*)

kidetel a omengidet er ngii;
mengidet, melebes.



**kidetii: (kidet`ii)**

kidetii a mengidet er ngii;
melebes er ngii, kidetii a llet a tuu.

kidib: (kid`ib)

kidib a mengedib; omekerall;
olebed, kidib a kall er a chimak,
kodbengel.

kiei: (ki`ei)

kiei a kiung; dengchokl; diak
lorael, kiei er a Belau.

kiesii: (kies`ii) (1)

kiesii a mengiis er ngii, kiesii a
chutem, kmiis el oba osib, kisel.

kiesii: (kies`ii) (2)

keisii a mengiis er ngii, kiesii a
chesimer el oba a kiis; kisel.

kieu: (ki`eu)

kieu a ta er a bedengel a ngikel el
kiei a taoch.

kiiesall: (kiies`all)

kiiesall a kiokl; kirel mekiis a chutem.

kiikiall: (kiiki`all)

kiikiall a soal el mekiok er a beab;
mengiok; kiikiel.

kiikiel: (kiik`iel)

kiikiel a omengiok er ngii;
mengard, mengiok.

kiikii: (kiik`ii)

kiikii a mengiok er ngii, mengard
er ngii, kiikiel.

kiikr: (k`iikr)

kiikr a kakemikr; diak le
chachuchau; ikrii a chetil, imikr,
kede mo kiikr kau me a ngak.

kiingil: (kiing`il)

kiingil a kliei er ngii; kiei,kiung er
a blimam; kiingil er a blik.

kiis: (k`iis)

kiis a klekedall el mengiis e
omkais; kisel a blai me a mlai.

kik: (k`ik)

kik a olidiuul er a diall el mo er a beluu.

kikaidechutem: (kikaidech`utem)

kikaidechutem a telengtengil a
kemeldiil; omeluosu el mo er a
omelakl; cherrengelel a kemeldiil,
kelel a kikaidechutem.

kikaol: (kik`aol)

kikaol a kereker el betok a kikoi
el cheled er ngii.

kikidall: (kikid`all)

kikidall a kirel el mekiid; mo
kikiid, mo beches, kikidii a beluu,
kmikiid a blai, kikidel.

kikidel: (kikid`el)

kikidel a omengikiid er ngii;
mengikiid.

kikidii: (kikid`ii)

kikidii a mengikiid er ngii; mo
mekikiid.

kikiid: (kik`iid)

kikiid a mengikiid; mo beches.

kikil: (kik`il) (1)

kikil a ukil; uuk er ngii el dil.

kikil: (kik`il) (2)

kikil a ongesil; kikoi er ngii el
menges a lius, onges.

kikingelang: (kikingel`ang)

kikingelang a mla mo kikingel;
mengelengalek, a beluu a
kikingelang.

kikingelel: (kikingel`el)

kikingelel a omengikiongel er ngii;
mengikiongel.

kikingelii: (kikingel`ii)

kikingelii a mengikiongel er ngii;
rullii el mo mengelengalek,
kikingelel.

kikiongel: (kiki`ongel)

kikiongel a mekngit; oltaksecher,
mengelengalek, ongebitel a
kikiongel, mekngit a bul.

kikiul: (kiki`ul)

kikiul a omengikai er ngii;
mengikai, kikiul a toachel er a
buik.

kikiuul: (kiki`uul)

kikiuul a kmeed el sebechel el
mekikai; mengikai er ngii el mo er
a bitang.

kiklou: (kikl`ou)

kiklou a telkib el klou; kiklou el blai.

kikoi: (kik`oi) (1)

kikoi a cheled.





kikoi

kikoi: (*kik`oi*) (2)

kikoi a uuk.

kileed: (*kil`eed*)

kileed a mle kmeed; a kileed el ruebet, kedel.

kileklel: (*kilekl`el*)

kileklel a omenglikl er ngii; menglikl er a chebesal.

kileklii: (*kilekl`ii*)

kileklii a mengelikl er ngii; oltobed er a cheril; kileklel.

kilikl: (*kil`ikl*)

kilikl a mengelikl.

kilingar: (*kiling`ar*)

kilingar a mle klingar; kilingar, mlo dengchokl a bebul, koingerir, koingar a klalo.

kilkuld: (*kilk`uld*)

kilkuld a emull; kilkuld a lkil a chelais er a ngimes.

kilmekl: (*kilm`ekl*)

kilmekl a mengelmekl; okemetii a rengul er a soal, kilmekl a rengrir er a rrom, osarch a rengrir.

kilmeklall: (*kilmekl`all*)

kilmeklall a kirel el mekelmekl; mengelmekl er a rengul; oserechii a rengul; kilmeklel.

kilmeklel: (*kilmekl`el*)

kilmeklel a omengelmekl er ngii; mengelmekl; outekangel.

kilmeklii: (*kilmekl`ii*)

kilmeklii a mengelmekl er ngii; okemetii a rengul er a soal; oserchii a rengul.

kilmelmall: (*kilmelm`all*)

kilmelmall a kirel el meklikl; kileklii a chebesal; mengelikl, kilmelemel.

kilmelmel: (*kilmelm`el*)

kilmelmel a omengelmolm er ngii; mengelmolm, menglikl.

kilmelmii: (*kilmelm`ii*)

kilmelmii a mengelmolm er ngii, kelmelmel; rullii el mo mekelmolm.

kilmolm: (*kilm`olm*)

kilmolm a mengelmolm.

kilingar: (*kilng`ar*)

kilingar a koingar; kiliei er a bebul.

kilo: (*kil`o*)

kilo a omko; a kmo, kilo ke mlo er a skuul e ke mla mo merek, kilo ke kongei.

kiloelo: (*kilo`elo*)

kiloelo a deuall; diak le ngii a bedengel, kiloelo a medal er a dakd, kiloeleuel.

kilou: (*kil`ou*)

kilou a menglou; remuul el mo meklou, kilungel.

kiloueleuel: (*kiloueleu`el*)

kiloueleuel a kileuelo er a dekd; kileueleuel er a kerrasem

kilungall: (*kilung`all*)

kilungall a kirel el mo klou; osarech a rengmiu; menglou, mo kiei a rengmiu; rengud a rechad a kilungall, kilungii a rengum, mo diak el sebek a rengum; kilungel a reng.

kilungel: (*kil`ungel*)

kilungel a omenglou er ngii; rullii el mo klou; kilungel a rengmiu a ngosukemiu.

kilungii: (*kilung`ii*)

kilungii a menglou er ngii; mo kiei a rengum el diak omedakd.

kim: (*k`im*)

kim a ta er a bedengel a cheled.

kimdii: (*kimd`ii*)

kimdii a mengimd er ngii; melebes.

kimekmall: (*kimekm`all*)

kimekmall a beot el medebes; di sebechel a uingel el kimekii el dobesii; kimokm a besebes.

kimekmel: (*kimekm`el*)

kimekmel a omengmokm er ngii; mengmokm.

kimekmii: (*kimekm`ii*)

kimekmii a mengmokm er ngii; oba ungelel el melebes er ngii.

kimokm: (*kim`okm*)

kimokm a mengmokm; melebes a besebes el ousbech a uingel.





kimtengall: (*kimteng`all*)
kimtengall a kirel mekimut;
koimetengii, mitekelengii, nguu el
tilechii.

kimtengel: (*kimteng`el*)
kimtengel a omengimut er ngii;
mengimut, omedechakl.

kimtengii: (*kimteng`ii*)
kimtengii a mengimut er ngii.

kimungall: (*kimung`all*)
kimungall a kirel el mekemuu;
metamk a bdelul, kimungii el mo
diak a chiul, klemuu, kimungel.

kimungel: (*kimung`el*)
kimungel a omengemuu er ngii;
mengemuu er a bdelul.

kimungii: (*kimung`ii*)
kimungii a mengemuu er ngii;
mo klemuu.

kimut: (*kim`ut*)
kimut a chelid el kemairs.

kimuu: (*kim`uu*)
kimuu a mengemuu; tuamk a bedul.

kingall: (*king`all*)
kingall a klekedall el denchekill;
dengchokl er a kingall, kingellel.

kingellel: (*kingell`el*)
kingellel a kingall er ngii.

kingerir: (*kinger`ir*)
kingerir a koingerir; mla mo
dengchokl er ngii.

kingkang: (*kingk`ang*)
kingkang a kerrekar el ongerekur
a rdechel.

kiok: (*ki`ok*)
kiok a mengiok; mengard.

kiokl: (*ki`ok*)
kiokl a kirel el mekiis; kiesii el mo
delluchel, kmiis a chutem,
mengiis er ngii, mesib.

kirel: (*kir`el*)
kirel a ultebechel ua isei; kirel el
ngii a mong, kau a kirem el melutk.

kireos: (*kire`os*)
kireos a mengreos; orreked, kiresii,
mla kireos a chetemel a demak,
kerresel a chutem.

kiresall: (*kires`all*)
kiresall a diak lotebadel; mengreos
er ngii; kiresii, kireos; chutem a
kiresall.

kiresel: (*kires`el*)
kiresel a omengreos er ngii;
mekreos er ngii.

kiresii: (*kires`ii*)
kiresii a mengreos er ngii;
mekreos.

kirrai: (*kirr`ai*)
kirrai a ta er a bedengel a
kerrekar; korrai.

kirs: (*k`irs*)
kirs a molech; eoulbeluu er a
sechal, kersel.

kisaks: (*kis`aks*)
kisaks a ta er a bedengel a
kerrekar.

kiseksall: (*kiseks`all*)
kiseksall a kirel el meksoks;
mengsoks a diokang.

kiseksel: (*kiseks`el*)
kiseksel a omengsoks er ngii;
mengsoks, mengsous.

kiseksii: (*kiseks`ii*)
kiseksii a mengsous er ngii el
diokang; mengsoks.

kisel: (*kis`el*)
kisel a kiis er ngii el blai.

kisem: (*k`isem*)
kisem a ta er a bedengel a kim;
cheled.


kisemall: (*kisem`all*)
kisemall a kirel el mekisem;
mengeduib er ngii; mengisem er
ngii; omekord. er ngii.

kisemel: (*kisem`el*)
kisemel a omengisem er ngii;
mengeduib er ngii el mo blekord.

kisemii: (*kisem`ii*)
kisemii a mengisem er ngii;
mengeduib, rullii a teletelel.

kisik: (*kis`ik*)
kisik a mengesik; melabek; meluk;
omekord, kisik a klekedellel a
tebel.





kisoks

kisoks: (*kis`oks*)

kisoks a mengsoks; kisous, kisoks
a diokang, kseksel.

kisous: (*kis`ous*)

kisous a mengsous, kisoks

kita: (*kit`a*)

kita a tumetum el ongokall.

kitall: (*kit`all*)

kitall a kirel mekit; mengit er ngii;
omet el mesisiich.

kitalong: (*kit`along*)

kitalong a ngklel a chas er a
desachel; omechas; omngamk,
chesengel.

kitelel: (*kitel`el*)

kitelel a charm er a omoachel me a
taoch; ko er a teletelel a
kesebekuu.

kiterul: (*kiter`ul*)

kiterul a katur er a chimal; katerul.

kitiit: (*kit`iit*)

kitiit a mengetiit; imakl a ungil er
a mekngit, kitiit a miich, kititii a
klemerang.

kitir: (*kit`ir*)

kitir a mengit er ngii; omet er ngii.

kititall: (*kitit`all*)

kititall a kirel el meketiit; meakl a
ungil er a mekngit; mengetiit er
ngii, kititel.

kititel: (*kitit`el*)

kititel a omengetiit er ngii; mengetiit.

kititii: (*kitit`ii*)

kititii a mengetiit er ngii; kititii e
ngmai a klemerang.

kitngakl: (*kitng`akl*)

kitngakl a mesisiich el oltngakl;
ngar er ngii a kitngakl er a rengul
me ng chetil a kall; otngeklel.

kitrar: (*kitr`ar*)

kitrar a klekedall el omekoad a
charm, chesbereber el olechiis a
ngal.

kiuall: (*kiu`all*)

kiuall a kirel el mekaiu; koiuii a
iedel, kmaiu a meradel; melai er
a bab el oba kaiu.

kiuar: (*kiu`ar*)

kiuar a kahol el omsangel; blii a
udoud me a klalo, kiuerul.

kiuel: (*kiu`el*)

kiuel a kaiu er ngii.

kiuel: (*kiu`el*)

kiuel a omengaiu er ngii; mengaiu
a meradel.

Kiueluul: (*kiuel`uul*)

Kiueluul a chuodel el ngklel a
beluu er a Ngjual.

kiuerul: (*kiuer`ul*)

kiuerul a kiuar er ngii.

kiues: (*kiu`es*)

kiues a mengiues; kliues, koiues a
ochil.

kiuesall: (*kiues`all*)

kiuesall a kotengoll; ngesachel;
merael er a kiuesall, mekngit el
rael.

kiuetall: (*kiuet`all*)

kiuetall a kirel el mekiut; kuotel,
mengaml a emull e meriik;
kiuetii, kmiut.

kiuetel: (*kiuet`el*)

kiuetel a omengiut er ngii;
mengiut er a rael.

kiuetii: (*kiuet`ii*)

kiuetii a mengiut er ngii.

kiuid: (*ki`uid*)

kiuid a ta er a bedengel a suebek
el charm.

kiuidrekemur: (*kiuidrekem`ur*)

kiuidrekemur a ta er a bedengel a
kiuid.

kiuii: (*kiu`ii*)

kiuii a mengaiu er ngii.

kiukuall: (*kiuku`all*)

kiukuall a kirel el mekuoku;
kiukuui a ngalek, menguoku er
ngii, tolechoi a kiukuall, kiukuel.


kiukuel: (*kiuku`el*)

kiukuel a omenguoku er ngii;
kiukuel a ngalek; menguoku.

kiukuui: (*kiuku`ii*)

kiukuui a menguoku er ngii; oba
er a chimal, kluoku.





- kiung:** (*ki`ung*)
kiung a kiei.
- kiuoku:** (*kiu`oku*)
kiuoku a menguoku, kiuoku a lius, kiukuel.
- kiuri:** (*kiur`i*)
kiuri a dellomel el melekesako e kall a rdechel.
- klab:** (*kl`ab*) (1)
klab a ta er a ngklel a kukau.
- klab:** (*kl`ab*) (2)
klab a keloll el kukau me a diokang; mla mo klab a meklechek; diokang a mla mo klab.
- klabs:** (*kl`abs*)
klabs a mla mekabs; tuu a klebikl, kebsel.
- klad:** (*kl`ad*) (1)
klad a mla mekad; kodir, kmad, mengad a cheremrum el mlai a mekoll er ngii; kedil.
- klad:** (*kl`ad*) (2)
klad er a dereuakl a klou el ocherechur.
- klad:** (*kl`ad*) (3)
klad er a chutem; a di dechudech el ta el chad.
- kladikm:** (*klad`ikm*) (1)
kladikm a meduch e klebokel; ungil el meloik e oungelakel, kladikm er a tekoi me a cheldecheduch.
- kladikm:** (*klad`ikm*) (2)
kladikm a mesiiich a klisichel a chimal; diak el klasekl.
- klaiberebart:** (*klaibereb`art*)
klaiberebart a omart er tir; mertii, mo diak el meues; mart, kaiberebart, bertel.
- klaiberober:** (*klaiber`ober*)
klaiberober a kaiberober; kakoad a mesei, omerober a chutem, klaiuecheoch; mereberii a udoud, berberel.
- klaidebangel:** (*klaideb`angel*)
klaidebangel a kliis el chutem; kliokl el chutem; mla duob er a klaidebangel.
- klaidelduleb:** (*klaideld`uleb*)
klaiueduleb a didu el olduleb; oldermerem, kaiueduleb, odelebii er a daob, odelebel.
- klaidesachel:** (*klaides`achel*)
klaidesachel a kaidesachel; kaiuechit er a mo rucheii, klaidesachel er a chert; klaiudiais er a chert; klaidesachel a di du el olengeriakl.
- klaingeseu:** (*klaingeseu`eu*)
klaingeseu a di du el olengeseu; kausisbech; kaukledem; kaingeseu, ngoseuir, ngoseu a urreor, ngeso.
- klaiskurs:** (*klaisk`urs*)
klaiskurs a klaiuetamet; didu el mengurs; klekool el kaiskurs er a ekil; klaidesachel.
- klaitut:** (*klait`ut*)
klaitut a klitut, bliil a omeruul el kall me a omeliokl; olisall.
- klaiu:** (*kl`aiu*)
klaiu a mla mekaiu; iedel a klaiu, nglai er a bab, koiuii, kmai, kiuel.
- klaiuedanges:** (*klaiued`anges*)
klaiuedanges a klaudiais; didu el oldanges; odengesii a sechelil, odanges a cheldecheduch, odengesel.
- klaiuedik:** (*klaiued`ik*)
klaiuedik a di du el oldik; odikii er a blai; klaiuetobed; otebedii; odik, odikel er a blai.
- klaiuedingel:** (*klaiued`ingel*)
klaiuedingel a didu el oldingel; klasoues; omes, kaiuedingel, odngelii, odingel, odngelel a smecher.
- klaiuediu:** (*klaiued`iu*)
klaiuediu a didu el oldiu; melekoii el klou a ngerir; odiur a belduchel, odiul.
- klaiuedubech:** (*klaiued`ubech*)
klaiuedubech a klaiuerimel; di du el oldubech; orrimel er ngii el mong; kaiuedubech, odbechii el mo er uchei; odbechel.





klaiuedurech

klaiuedurech: (*klaiuedur`ech*)

klaiuedurech a di du el oldurech; dmu er ngii el mo meruul a soal; kaiuedubech el mo olengit a udoud; oderechii, oderechel.

klaiuengader: (*klaiueng`ader*)

klaiuengader a klaiuerebet; ketemall, di du el olengader; soibesengii a sechelil e mo rucheii; tomellii a chad mengengmanget e ngii a mo kot a chelechei; klaiuengader a meknngit el tekoi; klaidesachel me a klaudiais a ungil el tekoi.

klaiuengasech: (*klaiueng`asech*)

klaiuengasech a klaotutakl; di du el olengasech; ongesechii el kirel a chutem, ongesechel er a kort.

klaiuengibes: (*klaiueng`ibes*)

klaiuengibes a di du el olengibes; olengasesoi; ongbesii er a udoud, ongibes, ongbesel.

klaiuengill: (*klaiueng`ill*)

klaiuengill a klaiuerebet; di du el olengill; kaiuerebet; orrebet; ongellii a meradel, ongill a iedel, ongellel.

klaiuengit: (*klaiueng`it*)

klaiuengit a kaiuengit; di du el olengit; me ta er a buuch, ongtir, ongit, ongtil.

klaiuengukes: (*klaiueng`ukes*)

klaiuengukes a kaiuedars; di du el olengukes, merous; ongkesii a buuch, ongukes a kall, ongkesel.

klaiueribet: (*klaiuer`ibet*)

klaiueribet a kaiuengill.

klaiuerirech: (*klaiuer`irech*)

klaiuerirech a kaiberober; di du el orrirech; klaiuetitech; oltitech; orribech, orirechii a chetemek, oribeche, orbechel.

klaiuesarech: (*klaiues`arech*)

klaiuesarech a di du el olsarech; omor er a chimorir; oserechii a bdelul, osarech a bedengel, kaokerreu; oserechel.

klaiueseked: (*klaiues`eked*)

klaiueseked a kaiuetitech; di du el olseked; otitechii; osekedii er a blil, oseked, osekedel.

klaiuesingch: (*klaiues`ingch*)

klaiuesingch a didu el olsingch; didu el mengiil, chachiil.

klaiuesorech: (*klaiues`orech*)

klaiuesorech a di du el olsorech; kaiuengamech; olengamech; rengeasek a kaiuesorech er a rael.

klaiuetitech: (*klaiuet`itech*)

klaiuetitech a kaiueseked; di du el oltitech; olseked, otitechii er a blil, otitech, otitechel.

klaiueturek: (*klaiuet`urek*)

klaiueturek a di du el olturek; ngmai a kengei; oterekii e mo millil, otureka, oterekel a merredel.

klaiuetuub: (*klaiuet`uub*)

klaiuetuub a didu el oltuub; diak a oldanges; otubii a sechelil, otuub a cheldechcheduch, otubel; melekoi a kngtil a tekoi.

klaiueuul: (*klaiue`uul*)

klaiueuul a di du el oliuul; kaiueuul a rakd, oiuiul a tereter, oiuelii, oiuelel.

klakemiil: (*klakem`iil*)

klakemiil a ta er a bedengel a ngikel.

klakerous: (*klaker`ous*)

klakerous a kakerous er ngii; diak losisiu.

klakesol: (*klakes`ol*)

klakesol a ta er a bedengel a ngikel.

klakoad: (*klako`ad*)

klakoad a klaodechelakl; di du el okoad; ruchemoll a kakoad, oldechelakl; klakodil.

klakodil: (*klakod`il*)

klakodil a klakoad er ngii.

klalo: (*kl`alo*)


klalo a rokui el usbechall, bail a klalo, tet a klalo, chutem, mesei, blai aklalo; ouklalo.





- klamikellel:** (*klamikell`el*)
klamikellel a klibeklel; klamiokel.
- klamiokel:** (*klami`okel*)
klamiokel a klebokel e ungil;
klibekel, klamiokel el ekebil,
klamiokel el buik, klamikellel.
- klang:** (*kl`ang*)
klang a mla mekang; odoim a
klang, kmang, kolii el rokir.
- klaocheliu:** (*klaochel`iu*)
klaocheliu a klasebechakl; didu el
omecheliu; kaocheliu, kelakt,
klaocheliu er a deleongel;
kaubeltikelreng.
- klaodengei:** (*klaodeng`ei*)
klaodengei a klemedengei er ngii;
melechsuar, medengei, medengellii.
- klaoterau:** (*klaoter`au*)
klaoterau a di du el olterau;
kaoterau, kaiuechar, kausaso,
omsaso, oterau a kerrekar e mechar
a ngikel, oterul.
- klard:** (*kl`ard*)
klard a klechosech; mla mekard;
kliok, kiikii, selechosech;
suchesechii, iedel a klard, kerdel a
iedel.
- klas:** (*klas*)
klas a madeldirek, blil a ilumel,
kob; klsengel.
- klasekl:** (*klas`ekl* (1))
klasekl a mesisiich a katerul a
chimal; diak el kladikm.
- klasekl:** (*klas`ekl* (2))
klasekl a klaskokl.
- klaskokl:** (*klask`okl*)
klaskokl a klasekl; mekngit el
meloik; metitur; olebechall er a
cheldecheduch me a ngellakel.
- klasoes:** (*klaso`es*)
klasoes a klaiuedingel; di du el
kasoel; mesang, oldingel; kot el
klasoes er tir.
- klaubeltikerreng:** (*klaubeltikerr`eng*)
klaubeltikerreng a klaocheliu; di
du el kaubeltikerreng; beltikelreng,
kelatk; klaiuetoir.
- klauchad:** (*klauch`ad*)
klauchad a kauchad; ulak er a
rasech; Calista a chedal a Toni,
ulak el klauchad; klauchad er tir.
- klauchedam:** (*klauched`am*)
klauchedam a kldemaol;
ouchedam; chedam.
- klauchedil:** (*klauched`il*)
klauchedil a kldelaol, ouchedil.
chedil.
- klaucheraro:** (*klaucher`aro*)
klaucheraro a klautok; didu el
aucheraro; mekngit a delongelir,
kauksiberreng; cherrouel,
cheraro.
- klaud:** (*kl`aud*)
klaud a telengetongel; mla
mekaud; telenget, ralm a klaud,
skoki a klaud er a eolt, kudel.
- klaudeleongel:** (*klaudele`ongel*)
klaudeleongel a ngar er ngii a
delongelir el ungil me a lechub e
ng mekngit; klaudeleongel er a
usaso.
- klaukdakd:** (*klaukd`akd*)
klaukdakd a did omekdadk;
orrouk; rengalek a kaukdakd,
mekdekdii, omekdadk, ukdekdell.
- klaukerreu:** (*klaukerr`eu*)
klaukerreu a klaocheliu; didu el
omecheliu; kaokerreu, kerekikl,
kakedmokl; mekerreuir a delal,
ulekerreu, omekerreu, ulekerreuil.
- klauketui:** (*klauket`ui*)
klauketui a di du el chetirir;
ouketui; kltui er a chebechiil,
kauketui a diak le kaiuetoir; diak a
beltik el reng er a deleongel; ketui.
- klaukledem:** (*klaukl`edem*)
klaukledem a di du el kaukledem;
klaingeseu; kldemel er a urreor,
kledem.
- klaumekemad:** (*klaumekem`ad*)
klaumekemad a klakoad; di du el
oumekemad; klakodil a beluu me
a beluu; mekemedil a beluu er a
Iraq.





klaumerang

klaumerang: (*klaumer`ang*)

klaumerang a di du el oumerang; kaongesenges; kauteliakl; ngar er ngii a klaumerang er a delongelir.

klaungalek: (*klaung`alek*)

klaungalek a kaungalek, chedam me a chedil me a rengelekir.

klausau: (*klaus`au*) (1)

klausau a kausau; omsau el olekeed; mseur a bung el okedii e dobesii; msau a rechelel a meradel; useul a rachel.

klausau: (*klaus`au*) (2)

klausau a klsau el duubech er a klaiuetoir; kausau a reng el mo dmak; klausau er a sechal me a dil a omengemuull; ousau, songel.

klausechelei: (*klausechel`ei*)

klausechelei a klausechelei; kltalrreng er a rdiak le kauchad, sechelil, sechelirir, sechelei.

klausisaik: (*klausis`aik*)

klausisaik a olsisaik; ta er a blekerdelel a omellach; diak le melemalt el melekoii ng chemat er a ngodech e oureng me a ngelekel lengai a llechul; "ngikekid a kmal meses e kmal kedung el ngalek1!"

klautelub: (*klautel`ub*)

klautelub a didu el omtelub; klaungelakel; mtelbar a sechelil, mtelub, utelbal a sechelil.

klautingaol: (*klauting`aol*)

klautingaol a kabulak; di du el outingaol; blulak; merael a telingaol er a cheldech duch, mtingolii.

klautkeu: (*klautk`eu*)

klautkeu a di du el outkeu; kautkeu, kaunged, ounged, outkeu er a klechedolel; nguu er a dmuil.

klautnged: (*klautng`ed*)

klautnged a didu el outnged; oumekngit; omdingel; diak el ungil el omelekoii.

klautok: (*klaut`ok*)

klautok a dial le kaiuerenges; di du el omtok; klaiueong; mtekengii, mtok a tekoii, utekengel a urreor.

klautoketok: (*klautoket`ok*)

klautoketok a di du el outoketok; kaungeroel, kautoketok, kaiueribech er a dui, teloketekengel a chutem.

klbadel: (*klb`adel*)

klbadel a mla subedii; selubed, mla dmung me ng kirel el medengei.

Klbael: (*klb`ael*) (1)

Klbael a rois er a Ngetbang.

klbael: (*klb`ael*) (2)

klbael a klub teblong; erung el dmak a klbael; terung el dmak a klbael; kaubuch, ongbil.

klbedel: (*klbed`el*)

klbedel a klubed er ngii, Charekemais a klbedel a Oreor.

klbochel: (*klb`ochel*)

klbochel a selibech el rechelel a kerrekar, e ouecharo el olab a klbochel.

klboub: (*klb`oub*)

klboub a klbokb; mla mekboub; ngar er ngii a kboub, kibekbii, kiboub, kbekbel.

kldachelbai: (*kldachelb`ai*)

kldachelbai a cheldech uul; meduch a urreor me a tekoii; dachelbai er a cheldech duch; kldachelbil.

kldachelbil: (*kldachelb`il*)

kldachelbil a kldachelbai er ngii, dachelbai.

kldaiksang: (*kldaiks`ang*)

kldaiksang a daiksang; chad er a desachel; omekedechor a blai.

kldait: (*kld`ait*)

kldait a ta er a bedengel a udoud er a Belau.

kldall: (*kld`all*)

kldall a derreder; mla mekedall; kodellii el mo er a dimlak el kirel, kodall a doreder e suim el mo er a ngodech; kedellel a mechitechut el chad.

